


বিষ্ণুপ্রিয়া মণিপুরী
ইতিহাসৰ পাতাত মেইমুত
অছিল নাং আহান



শ্রী রাস বিহারী সিংহ
বারোমুনি



বিষ্ণুপ্রিয়া মণিপুরী
ইতিহাসৰ পাতাত মেইমুত
অছিল নাং আহান



শ্রী রাস বিহারী সিংহ
বারোমুনি

বিষ্ণুপ্ৰিয়া মণিপুৰী ইতিহাসৰ পাতাত মেইমুত
অছিল নাং আহান

লেখক : ৰাসবিহাৰী সিংহ

প্ৰথম প্ৰকাশ : ২০২০ ইং

দ্বিতীয় প্ৰকাশ : নভেম্বৰ ২০২৩ ইং

ছাপানিত : শ্ৰীচৈতন্য প্ৰেছ, শিলচৰ

মূল্য : ৩০ টকা।

উৎসৰ্গ

নৱসিংহপুৰ লয়াৰ বিষ্ণুপ্ৰিয়া মণিপুৰী সমাজৰ নাট্যকাৰ, লেখক
বাৰ সমাজ হিতৈষী পূজনীয় স্বৰ্গীয় ইন্দ্ৰকুমাৰ সিংহ বিষ্ণুপ্ৰিয়া
মণিপুৰী বাৰ অন্যান্য জাতৰ সহিত জগতে আসাম, মণিপুৰ
বাৰ বাংলাদেশে বিখ্যাত আছিল। গিৰক মোৰ জীৱনৰ দিকদৰ্শক,
প্ৰেৰণাদায়ক আছিল বাৰ এবাকা পেয়াও আছে। গিৰকৰ পৰাদে
আমাৰ সমাজে বাৰ অন্যান্য সমাজে অনেক সন্মান অৰ্জন কৰেছ।
তাঁৰ চৰণ খ্যাত অজস্ৰ ভক্তি কাতকৰিয়া মোৰ ক্ষুদ্ৰ নৈৱিক
“বিষ্ণুপ্ৰিয়া মণিপুৰী ইতিহাসৰ পাতাত মেইমুক আছিল নাং
আহান” উৎসৰ্গ কৰলু।

শ্ৰী ৰাস বিহাৰী সিংহ

লেখকর দ্বি-আকচুটি যারী

রাময়ণে লক্ষণ ইন্দ্রজিতর শক্তিসেলে মরের। তারে জিৎতা করানিরকা মহৌষধি গাছ বিশল্যকরণী দরকার অছিল। হনুমান বৌর গজেদে ফরদিয়া গন্ধমাদল পর্বতে ফৌয়ইলগা কিন্তু গাছঝাড় চিনে নারল। জয় রাম বুলিয়া গন্ধমাদল পর্বতর চূড়াগ লরেয়া বাগল। লগে লগে রাম নামর পাখাহানল বৌর গজেদে ফরদিয়া রামর মুঙহানাত থদিল। বৈদ্য গিরকে বিশল্যকরণী হজকল জিৎতা করল লক্ষণরে। হনুমানর কী পাংকাল ! ঠাচা নেই যারীহান পারা এবাকার যুগে।

ঠিক ঔসাদে মহাভারতে পাণ্ডবর স্বর্গ আরোহনে মহাপাংকালপা ভীম গিরকর পাংকালর যারী হোনিয়ার।

ভীষণা রাক্ষসী পঞ্চপাণ্ডব পথগ থেতকরিয়া থতাহান আংকরিয়া জুরিয়া আছিলি। ভীমে মেওয়া মাতল, হে রাক্ষসী গিথানক ! দয়া করিয়া আমার যানার পথ'গ এরাতে। কিতা মাতরতা ? নংসাং অইল মানুর মাছ নাহেয়া রাউ রাউ করিয়া আছুগ। ভীমর আহিগি রকতগ অইল। গিথানক হোন, তোর বেয়ক রাক্ষসরে মি মারেছুগ। অমাটিক হমাদিল মাটিক মাততে উজাওরি মরানি মনেইলে। আর ডিল নাকরল, ডাঙর হিলর লুমপাক আগল দিল, ভীষণাই হাতেক বাংওরি বাড়ার আতহান সেচা দিল। ভীমে পাহাড়র চূড়া ভাগে ভাগে আগর গজে উড়া দিল কিন্তু রাক্ষসী গজে উড়াইল। কানা নাইলহান দেহিয়া বাপক পবন গিরকর উনপঞ্চাশ বায়ুর শক্তিহান লইল। ডাঙর শালগাছ চেয়া উছল। ঔঝাড়ল মুরগত বারেয়া ঠইগ নিকাল দিল। পঞ্চপাণ্ডব বার গেলাগা পথ'গ ওয়াই ছাওয়া।

ঔ বীর হনুমান বার ভীমর ছাদে বারোমুনিত মহাপাংকালপা আগ আছিল। আসল তার নাংহান আত্মারাম। তার পাংকালর যারী-পরীর খ্যাতিল সমাজে সাংলাকপা বার সামুলাকপা (সাম অর্থ আত্মীগ) বুলিয়া পরিচিত অছিল।

কনাকেষ্ট গিরকর যারী-পরী এতা ঠাচা করে নুয়ারলু। লয়ার ভূজন ভূজনরাং আংকরলু। গিরকর পাংকালর সন্দেহ করানি থকনেই বুলা। মনহান ইঙাল ঙালয়া ইকরলু। লয়াগর তলর ইকরা ভূজনরাং আংকরলু —

বারোমুনির পণ্ডিত গোপেশ্বর সিংহ বার পণ্ডিত ক্ষেত্রসিংহ, গাওর মাষ্টার কমলাকান্ত সিংহ, শান্তিপুরর ওঝা কর্ণ সিংহ, রূপা সিংহ, পানিভরার গঙ্গল সিংহ, কাটাখালর ইসালপা ওঝা পারিজাত সিংহ, রাখালটিলার পণ্ডিত ধনেশ্বর সিংহ।

শ্রী রাস বিহারী সিংহ
গান্ধীনগর, বারোমুনি।

কথা দ্বি-আকচুটি

আমার সমাজর আমার পূর্বজর গৌরবময় ইতিহাস/য়ারি আমার বিভিন্ন লয়ার কোণে কাঞ্চিলে যেতা আছিল বা থাগেছেগা ওতা লেখিয়া নাথনির ফলে বিস্মৃতির আঁধারে লুপ্ত অয়া যারগা। তানুর কীৰ্ত্তি-কলাপ, সাহসিকতা, তেজস্বীতা, নিৰ্ভীকতা বারো চারিত্রিক বলিষ্ঠতার নজির এ প্রজন্ময় হারপা নুওয়ারিয়া ‘কিং কৰ্তব্য বিমূঢ়’ অয়া থাইলাং। এসাদে সময় এহানাং সমাজর মুঙে শ্রীরাস বিহারী সিংহ ডাঙরিয়া গিরকে ‘বিষ্ণুপ্রিয়া মণিপুরী ইতিহাসর পাতাত মেইমুত অছিল নাং আহান’ এ যারি এহানর মাধ্যমে সুনামধন্য বাঘা আত্মারাম সিংহর কীর্ত্তিকলাপর মাতুম ইলয়া ও গিরক উগরে শ্রদ্ধাঞ্জলি জানানির সুযোগ করে দিয়া সমাজরে নিয়ামপারা উপকার করে দিল।

এ প্রৌঢ়োত্তর বয়সে এসাদে অক্লান্ত পরিশ্রমী সমাজসেবী তথা সাহিত্যিক বারোমুনির শ্রীরাস বিহারী সিংহ গিরকর ‘বিষ্ণুপ্রিয়া মণিপুরী ইতিহাসর পাতাত মেইমুত অছিল নাং আহান’ এ হরকাং লেরিক এহানর মাধ্যমে গিরকে অদম্য উৎসাহ বারো পরিশ্রম স্বীকার করিয়া বারোমুনি লয়ার কিং-বদন্তী নামক ‘বাঘা আত্মারাম সিংহ’ বা ‘সামুলাকপা আত্মারাম সিংহ’র বলি-পাঙ্কালপা সাহসিক বারো যুদ্ধে নায়কোচিত শৌর্য-বীজর যে যারি তাঁর লেখনীর মাধ্যমে তুলিয়া ধরেছে এহান অতুলনীয়। সমাজে এসাদে বীর প্রত্যাশপন্নমতি সম্পন্ন পূর্বপুরুষর আমি উত্তরসূরী এহান হারপেয়া আত্মাভিমাণে আমার বুক বুজিয়া যারগা।

শ্রী সিংহ গিরকর এ হৎনা এহানরকা তারে হৃদিয়েপা সাংগঠনিক অভিনন্দন কৃতজ্ঞতা থাকাং জানেয়ার বারো এসাদে আরতাউ প্রয়াস চালেয়া যাকগা বুলিয়া প্রভুরাং তাঁর সর্বাঙ্গীন মঙ্গল, সুস্বাস্থ্য বারো দীর্ঘায়ু কামনা করিয়ার।

‘জয় শ্রীকৃষ্ণ’

রেংটি, বারোমুনি

১৭-০৩-২০২৩ ইং

শশীকুমার সিংহ

অবঃ সহসঞ্চালক

পুলিশ বিভাগ, মিজোরাম।

লেখকৰ প্ৰতি দ্বি-আকচুটি কথা

বিষ্ণুপ্ৰিয়া মণিপুৰী সমাজে বিভিন্ন লয়াৰ অনেক কবি, সাহিত্যিক, গল্পকাৰ, নাট্যকাৰ, ভাষাতত্ত্ববিদ সমাজে প্ৰতিষ্ঠিত অয়া আছি। লেখক লেখিকা ছাড়াও অনেক মানু ব্যক্তিগত বা বিভিন্ন সংস্থার মাধ্যমে সমাজৰ অনেক সেবা কৰিয়া ধন্য জীবন কাটেইতাৰা।

বারোমুনি লয়াৰ এসাদে সমাজসেবক আগো, যোগো বৰ্তমানে ঔ লয়াৰ কৃষি ও সমাজ বিকাশ সংস্থার সভাপতিগো। উহান ছাড়া বিষ্ণুপ্ৰিয়া মণিপুৰী সমাজৰ ‘সাহিত্য সভাৰ’ একনিষ্ঠ কৰ্মী আগো বারো নংসিংপুৰ লয়াৰ (শাখাৰ) সভাপতিগো। গিরকৰ সমাজদৰদী বারো সমাজ প্ৰেম নিয়ামপাৰা প্ৰশংশনীয়। গিরক ভারতৰ সৈন্যবিভাগেত্ত অবসৰপ্ৰাপ্ত অনাৰ পৰে সমাজ সেবা কৰানি উহানেই জীবনৰ অন্তিম কৰ্তব্যহান মনেকৰিয়া আৰ্থিক, মানসিক হাবিবারাদে ত্যাগ স্বীকাৰ কৰিয়া সমাজৰ সেবা কৰানি উহানেই জীবনৰ মুখ্য কৰ্মধাৰাৰ পথগো নিংকৰিয়া শেষ জীবনহান কাটেয়া যাবগাগো। উতাৰ হাদিত্ প্ৰায় ১৮৫০ সালে বারোমুনি গাঙৰ ‘আত্মাৰাম’ নাঙৰ নিয়ামপাৰা বলিপাংকালপা বাস্তব য়াৰি এহান লেখানিৰ মাধ্যমে প্ৰকাশ কৰেছে য়েগৰ শক্তিহান —‘আন্তীগৰ’ লগে তুলনা কৰেছে। য়াৰিহান হুৰকাং অইলেউ বাস্তব ঘটনাহান বুলিয়া লুপ্ত অয়া আছিল উহান বারো প্ৰকাশ কৰেদেছে উহানৰকা বিষ্ণুপ্ৰিয়া মণিপুৰী সাহিত্য সভাৰ পক্ষত্ত নিয়ামপাৰা সমাজৰ ‘সেবক’ আগো বুলিয়া প্ৰশংসা কৰিয়াৰ।

মনিকান্ত সিংহ

সাধাৰণ সম্পাদক

বিষ্ণুপ্ৰিয়া মণিপুৰী সাহিত্য সভা।

বিষ্ণুপ্রিয়া মণিপুরী ইতিহাসৰ গৰ্ভত মেইমুত অছিল নাং আহান বারোমুনি বুলতারা লয়া এগ বিভিন্ন লয়ার মানুৰ কলোনিগো বুল্লেও ভুল নাইব। ঔহানৰ প্ৰকৃত নাংহান বারোমুনি অইলেও খেই খেই লয়াত্ত আহেছিল। ঔতাই তানুৰ গাঙৰ মূল নাং ঔহানি থছিল। যেমন ত্ৰিকোণাত আহেছিল। ঔতাই ত্ৰিকোণা, ভাটীৰগাঙেত্ত আহেছিল। ঔতাই ভাটীৰগাঙ, রেংটীত্ত আহেছিল। ঔতাই রেংটী, কাটাখালেত্ত আহেছিল। ঔতাই কাটাখাল, শান্তিপুৰেত্ত আহেছিল। ঔতাই শান্তিপুৰ বার খুনৌত্ত আহেছিল। ঔতাই খুনৌ বুলিয়া মাতৃভূমিৰ নাং আহান থনাৰ প্ৰবণতা দেহিয়াৰ। এ প্ৰবণতা এহান মণিপুৰেত্ত আয়াও যে মানুয়ে আসামে লাম কৰলাগা ঔপেইত্ত বৰ্তমান মাছুঘাট গাং এহানৰে ঔইখং বুল্লা। বার হাইলাকান্দিৰ খুমেল বার খুনৌ দ্বিয়নাং এবাকা পেয়া আছে।

প্ৰায় আঠাৰশ পঞ্চাশ ইংৰেজীত্ত চিনকৰিয়া বারোমুনি গাঙে বিভিন্ন লয়ার বিভিন্ন গাঙেত্ত পুলছি মানু ঔতাই জঙ্গল ছেংকৰিয়া আৰাক লাম আহান হংকৰলা। বারোমুনি গাঙেত্ত আয়া হংকৰেছি বুলিয়া এ লাম এহানৰে বারোমুনি লয়া বুলিয়া নাংহান থইলা। পিছে এ লয়া এগৰে সরকারিভাবে নৱসিংহপুৰ বুলিয়া থইলা।

যেতাও অক, চিপৰসাদ্ধনৰ কাদাত ভাটীৰগাঙ আহান আছিল। ঔ গাঙেত্ত মানু আগ কাবুগঞ্জৰ বারোমুনিৰ গাঙে লাম কৰাত আহেছিল। নাংহান আত্মাৰাম। বাপকৰ নাং চিনটৌ। আত্মাৰামৰতা আত্মীগৰ সাদানে পাংকালহান আছিল। তাও বারোমুনি লয়ার ভাটীৰগাঙে আয়া বসতি অনাৰকা জঙ্গল ছেংকৰেছিল। গল্পাৰ বাপ, তেৰাউনি, হুৰকাং হুৰকাং গাছ সাফ কৰানি এহান তাৰাং কিকহানৌ নাছিল। আতহানলৈ নিয়াম উহলে উহলে ছেংকৰেছিল। কামৰ হাদিত গোয়া খানা জবৰ অছিল। আঙুলি দুগৰ চিপাগত সুবাৰী গোয়াগ চিপেয়া ফাটাছিল। আকছাটে গোয়া দুগ, পানা তিনপাতা, তুঙ্গা পাতা আহানৰ তিনকৰতৰ কৰত আহান বার ছুনু যাম পাৰা চাবা আহানাত খাছে। তাৰ গোয়া খানা ঔহান দেহিয়া মানুয়ে তাক লাগিয়া চাছি। নাৱিকলগ বুকুৰ দিয়া ফাটেয়া খাছে। দাহানল ছুলানি-ছালানি না নাগেছিল তাৰাং।

বারোমুনিৰ পিঠিত ঘাট আহান আছে নাংহান শালগঙ্গা। ঔহানাত্ত হাবিয়ে

মাছ ধৰিয়া খাছি। আত্মাৰামে ঔ ঘাট ঔহানাত ডু-আগ এপারে-হৌপারে লাগকৰিয়া বহাছিল। বেলি হমেইতে বহাৰ, বিয়ানে তুলেৰ। এসাদে নিক্কা নিক্কা ডাঙৰ মাছ ধৰিয়া খাছে। খানতা দিন আহান ডুগ তুলতেগা দেহেৰ তার ডুগৰ পাচেং বাগে দেছি। মাছ নাপেইল, মনে নিয়াম হীনপেইল। তুলিয়া মুরগত দিয়া আনতে আনতে খালকৰেৰ কীগয় বাগেহিতা, উদে ভাগেহিতা না মানুয়ে ভাগেহিতা ? এহান হাৰপানি লাগতৈ। দ্বিআকদিন ডুগ ফতকৰিয়া বাৰ বেলি হমেইতে বহেইলগা। পিছেকাৰ দিনে ঙালফু ঙালফু অইতে নাইতে হজক আককাৰি উপাড়িগত লাগেয়া আতহানল পিয়া পিয়া ডুগ তুলাত ছুটিল। যিতেগা যিতেগা দূৰেইত্ত বাঘ আগ ঘাটৰ হৌপারেত্ত এপারে ফালদিয়া লালইল। হাতে হাতে পিঠিয়েদেত্ত দেহেৰ টেকাগদে ডুগৰ ভিতরেত্ত ডাঙৰ ডাঙৰ মাছ ফালদে ফালদে পড়তারা। বাঘগই থাবাহানল যাতা যাতা খেইতে আছে। এহান আত্মাৰামে দেহেৰ কিন্তু বাঘগয় নাদেহেৰ বৰং মেইকখুগ অয়া খাৰ। ডৰহীন আত্মাৰাম আণ্ডয়েইতে আছে। মনে মনে মাতের বাবা, আইত্তে যমৰ ঘৰে যানাত পড়লে, আত্মাৰামৰ মাছ খানাহান হিকেইতো। তা খালকৰেৰ বাঘগৰে কাবু করতে গেলেগা কাকালিহানাত ধরানি লাগতৈ। বাঘগৰ কাকালিহান নিয়াম কঙালা। আত্মাৰাম ফৌঅনিতে ফাতনেই কাকালিহানাত ফালদিয়া চিপেইল। বাঘগ লড়ানিতে থাক, চিপাৰমাহি যান-প্ৰাণ দিয়া হাকহান ফাড়িয়া রহানি অকরল, জুহান নিকাল্ল, ঠইগ এড়াদেনাত বাধ্য অইল, খানি পিছে কহনিগল জাতাদিয়া গুজগ বাগেদিল আৰ লড়ন-চরন নেঅইল, মুরগ ফেটেৰ মাটিহানাত বেল্প। আত্মাৰামে এৰাদিল, মাতের আত্মাৰামৰ মাছ খানা নুঙেইতা ? কাদাত মানু আছিল। ঔতাই লাগেছিল তানজা ঔহানাত উঙয়া জবৰ জবৰ করে লৌদিলা কাদাত আয়া দেখলা বাঘগ মৰিয়া পড়িয়া আছে। এগদে আত্মাৰামে দেহেৰ, তার ডুগৰ টেকাগৰ কাদাতে গজেদে করে ডাঙৰ বাগা আহান দেহেৰ পাচেং হাবি ভাগিয়া আছে। মানু পুলনি অকরলা। পৌহান ছিতারল। দূৰেই দূৰেইত্ত পুলয়া মানুৰ মেলাহান অইলা। মাতানি অকরলা, এগ মানুগ, না ভীম আগো জরম অছেগ।

পিছেকাৰ ঘটনা এহান আচানকৰ য়াৰীহান। আগেদে ঘুমেত্ত উঠিয়া কতগয়

বারোমুনির পিঠির টেঙারাগন্ত ঘর হংকরানিরকা বাহা আনলাগা। আত্মারামর বাহা কান্দিহান দেখলে মানুয়ে আচানক অয়া চেইলা। মানু ছয়-সাতগ ছাড়া তুলানির ক্ষমতা নেই। আকদিন আত্মারামে তার বাহাকান্দিহান লেমপাল হানাত দিয়া হাবির মুঙে আছে। ও তানজাগত আত্মী আগ মুঙেদেত্ত আয়া আত্মারামর বাহাকান্দি হরৈগল বেলাদিল বার হরৈগল বেড়েইং বুলতে আকতা আত্মীগর দাতালগিত ধরল। লগে লগে উল্টেয়া বেল্প। থতাহানাত আতহান বরেইয়া জুহান জবর করে আচুলদিল। আত্মীগ ডরেয়া ফিঙইল, মনে-প্রাণে হাকহান ফাড়িয়া রহানি অকরল। লগরতাউ হাবিহানে বাহার কান্দি বেলাদিয়া ঙাকইয়া দুরেইত্ত চানা অকরলা। আত্মীগ রহিতে রহিতে লড়তে লড়তে নিজতেজ অইল। আত্মারামে আত্মীগ এড়াদিল। বাহাকান্দিহান বার তুলিয়া লগরতাই কিতাই যানা অকরলা। খানি থায়া আত্মীগর বার হশহান আহানির লগে লগে যান-প্রাণ দিয়া থক্ক উঠিয়া মরিং-পড়িং বুলিয়া জঙ্গলেদে ধাপহানল সালইল।

য়ারী এহান লয়াগত ছিতারল। ওপেইর লয়াগর বুজন গিরিগিথানী তিলয়া ডাঙর সভা আহানর ঠৌরাং করলা। আত্মারামরেউ নিমন্ত্রণ করলা। সভাহানাত প্রত্যক্ষদর্শী হাবিয়ে তার পাংকাল বর্ণনা করিয়া মাতলা, আত্মী আগরে তা এসাদে নিয়ন্ত্রণ করল কী আচানকহান বুলিয়া হাবিয়ে নিঙকরলা বার থাকাত জানেইলা। সভাহানাত হাবিয়ে সামুলাকপা (মৈতৈই ঠারে আত্মীগরে সামু বুলতারা) বুলিয়া উপাধি আহান দিলা। আরতাউ তারে সমাজে আলাদা ফিটা আহান দিয়া সম্মানিত করলা। সমাজে কোন কর্ম আহান অইলে তারে ও সম্মান ওহান দিলা। অদ্যাবদি পেয়া এহান প্রচলিত আছে। আত্মারাম নাং এহান সামুলাকপা বা সাংলাকপা বুলিয়া পরিচিতি আছে। এবাকা আত্মারাম বুলিয়া নাউ মাত্তারা বা নাউ চিনতারা।

খামতলর ঐতিহাসিক ঘটনা অইলতাই “লুসাইর ধাওয়া”। আগেদে মিজোরাম এহানরে লুসাই পাহাড় বুল্লা। বার মিজো এতারে লুসাই বুল্লা। আগেদে লুসাই এতাই মেরাক মেরাকে লুসাই পাহাড়েত্ত আয়া আয়া কালা হাউর, হিঙ্গর, ভাগা, ধলাই আমার বারোমুনি পর্যন্ত ধাওয়া করলা, ঘরবাড়ি লুট করলা, মানুরে অত্যাচার করলা। ও তানজা ওগত লুসাই ধাপা আহান আয়া রাখালটিলাত

ঘাটি হংকরলা। ঔবাকা বারোমুনিৰ মানু পৰ্যন্ত দাপদাত যোগত অছিল।

পৌহান সাংলাকপরাং ফৌঅইল। তা হুনিয়া গোয়া আকচাবা যোগত করে ভরেইয়া, হজক আককারি উপাডিগত লাগেইয়া আতহানল পিয়া পিয়া ছালইল যোদ্ধত কিন্তু আচানকর যারীহান আতে কোন অস্ত্র নেই। তার লগে আরাকৌ মানু মূরে কাঠি বাধদিয়া, আতে রুল, বলম, ঝাঠি ধরিয়া ছুটলা, যথা সময়ে ফৌ অয়লাগা। লগর উতारे কৌশল করিয়া মাতল, তা আকখুলাগ জিতৈগা ঘাটিগত। তানু আরাক আকবেদেত্ত তা ফৌঅইলেগা মারো মারো বুলিয়া লৌদানিরকা তা একেবারে ফামে গেলগা। লুসাই এতা ভাত-হৌ রাধিয়া খেইতারা দণ্ড ঔগত সাংলাকপায় গাছ আকঝার উতলিয়া চক্ৰগর ডেকি তানুর মুণ্ডে বুলানি অকরল। ঔ দৃশ্য ঔহান দেহিয়া লুসাই এতা পাণ্ড পরলাগা। মরতাঙাই বুলিয়া খানা-পিনা বাত দিয়া, তানুর দা, লাঠি, ঝাঠি, বলম বেলেয়া যান-প্রাণ দিয়া জঙ্গলেদে ধাপ ছালইলা। অন্যবেদে সাংলাকপার লগর উতাই জয় কৃষ্ণ বুলিয়া ধরো ধরো, মারো মারো বুলিয়া লুসাইর পিঠিয়ে পিঠিয়ে ছুটিয়া গেলাগা কিন্তু লাগাল নাপেয়া আনচিল অইলা। ফলত মুঙামুঙির সংঘর্ষর আর প্রয়োজন নাইল। ঔ তালকরানি ঔহানাত পুরি আর লুসাইয়ে আলফির ধাওয়া নাকরেছি। ঔ সময়ত্ত পুরি রাখালটিলার উত্তরেদে পথ আগ রামপ্রসাদপুর পেয়া গেছেগা ঔগরে রণফাড়ি মানে যুদ্ধর ফাড়িগর নাঙহানল আজিপেয়া আছে। ঔ যুদ্ধর মহানায়কগ অইলতাই “সাংলাকপা”।

ঔ প্রসঙ্গত উল্লেখ করানি যাকরের যে ব্রিটিশ সরকারে ধারণা আহান করেছিল। বিষ্ণুপ্রিয়া মণিপুরী বা মৈতৈই মণিপুরী ক্ষত্রিয় এতা ছাড়া লুসাইর বারে বারে ধাওয়া এতা বন্ধ নাইতৈ। ঔ উদ্দেশ্যল বিষ্ণুপ্রিয়া মণিপুরী জাত এহানরে কাছাড়র দক্ষিণ প্রান্তে বর্তমান বারোমুনি লাম এহানাত বহা দিলা, ঔসাদেও করিয়া দেখুয়া দিলা।

সাংলাকপার ঘটনা এতাহাবি আজিকালিকার মানুয়ে হপনহান না টেইপাংহান বুলিয়া নিংকরতাই অথচ ঘটনা হাবি সত্য। কিন্তু কালক্রমে ইতিহাসর পাতাত এ গিরক এগর নাংহান বিলুপ্ত অযাৱগা এহান নিয়াম দুঃখর কথাহান। আশা করৌরি নুয়া প্রজন্ময় এহান পাকরিয়া গিরকর স্মৃতি রক্ষারকা আগোয়ান অইতাই।



ਸਿੰਘਾਂ ਦੀ ਸ਼ਹੀਦੀ
ਪੰਜਾਬੀ ਕਾਵਿ-ਸ਼ਾਸਤਰ
ਦੇਸ਼-ਪ੍ਰੇਮ-ਸ਼ਾਸਤਰ

ਪੰਜਾਬੀ ਸ਼ਾਸਤਰ
ਸਿੰਘਾਂ